

ZAPISNIK SA

**KONSTITUIRAJUĆE SJEDNICE SKUPŠTINE KANTONA
SARAJEVO, ODRŽANE 16.11.2018.GODINE
SA POČETKOM RADA U 10,00 SATI**

Sjednici su prisustvovali sljedeći zastupnici/zastupnice:

SDA - STRANKA DEMOKRATSKE AKCIJE

1. Hamed Aljović
2. Jasmina Bišćević-Tokić
3. Aljoša Čampara
4. Mirza Čelik
5. Sabahudin Delalić
6. Mahir Dević
7. Amra Hasagić
8. Admela Hodžić
9. Smiljana Viteškić

POLITIČKA ORGANIZACIJA "NAROD I PRAVDA"

1. Vedran Jakupović
2. Elmedin Konaković
3. Danijela Kristić
4. Amel Mekić
5. Arijana Memić
6. Elvedin Okerić

POLITIČKA ORGANIZACIJA GRAĐANA "NAŠA STRANKA"

1. Vildana Bešlija
2. Neira Dizdarević
3. Edin Forto
4. Vibor Handžić
5. Damir Marjanović

SOCIJALDEMOKRATSKA PARTIJA BOSNE I HERCEGOVINE

1. Damir Nikšić
2. Srna Bajramović Srna
3. Igor Stojanović
4. Samir Suljević

SAVEZ ZA BOLJU BUDUĆNOST BIH – FAHRUDIN RADONČIĆ

1. Jasna Duraković
2. Mirvad Kurić
3. Zvonko Marić
4. Dževad Poturak

DEMOKRATSKA FRONTA

1. Senad Hasanović
2. Bibija Kerla
3. Sead Milavica

NEZAVISNA BOSANSKOHERCEGOVAČKA LISTA

1. Amra Junuzović-Kaljić

BOSS-BOSANSKA STRANKA – MIRNES AJANOVIĆ

1. Haris Pleho

U skladu sa članom 7. stav 2. Poslovnika Skupštine Kantona Sarajevo Konstituirajuću sjednicu Skupštine Kantona Sarajevo otvorila je Predsjedateljica Ana Babić (u daljem tekstu predsjedateljica).

Predsjedateljica je pozdravila novoimenovane zastupnice i zastupnike u Skupštini Kantona Sarajevo, članove Vlade Kantona Sarajevo i sve prisutne u sali Skupštine.

Predsjedateljica je podsjetila da je dnevni red Konstituirajuće sjednice Skupštine Kantona Sarajevo sljedeći:

1. Izvještaj Izborne komisije BiH o ovjeri mandata osobama koje su dobile poslanički/zastupnički mandat u Skupštini Kantona Sarajevo;
2. Konstituisanje klubova naroda i kluba Ostalih u Skupštini Kantona Sarajevo;
3. Potvrđivanje prijedloga kandidata za izbor predsjedavajućeg i zamjenika predsjedavajućeg Skupštine Kantona Sarajevo;
4. Prijedlog za izbor Komisije za izbor i imenovanja i administrativna pitanja Skupštine Kantona Sarajevo;
5. Izbor delegata u Dom naroda Parlamenta FBiH.

TOK SJEDNICE

Prije prelaska na prvu tačku dnevnog reda novoizabrani zastupnik Elmedin Konaković se javio za riječ i predložio sljedeće (citiramo):

„Poštovana predsjedavajuća, poštovani novoizabrani zastupnici, cijenjeni članovi Vlade Kantona Sarajevo, poštovani mediji, gledaoci TVSA se vas srdačno pozdravljam i želim vam uspješan rad današnje i uspješan mandata svim novoizabranim zvaničnicima u Kantonu Sarajevo i imam mogu reći uobičajene prijedloge na konstituirajućim sjednicama. Prije svega prijedlog broj 1. Molio bih predsjedavajuća da Skupštini date na izjašnjavanje prijedlog da danas razmatramo tačku 1. pa tačku 4. imenovanje Komisije za izbor, imenovanje i administrativna pitanja Skupštine Kantona Sarajevo jer je to komisija koja se bavi primarno radno pravnim statusima novoizabranih ali i onih zastupnika koji završavaju svoje mandate tako da je zaista nužno da se što prije uspostavi. Može potpisivati rješenja o profesionalizaciji novih zastupnika i prestanku radnog odnosa što je jako bitno ljudima zbog poreskih kartica koji završavaju svoje mandate.”

„Drugi prijedlog zaključka jeste, mogu opet reći jedna uobičajena praksa, a vezan je za Budžet Kantona Sarajevo i vezan je za život građana Kantona Sarajevo. Predlažemo da Skupština zaključkom, pošto Poslovnikom nije definisano način sazivanja sjednice, ja imam ovdje stenogram iz prošlog saziva u kojem smo uradili identičnu stvar, definiše održavanje hitne sjednice za narednu sedmicu u kojoj bi se razmatrao Nacrt budžeta, i ovlasti jednog od zastupnika koju bi tom sjednicom rukovodio, kako bi Nacrt budžeta za koji imamo saznanja da ga je Vlada kantona bio prihvaćen i prosljeđen u dalju proceduru, kvalitetnu javnu raspravu i ne bi ugrozio zbog konstituisanju Skupštine Kantona Sarajevo dakle ni projekte koji su u toku i u fazi realizacije, ni projekte koji trebaju biti realizovani, i s posebnim osvrtom kako mi je sada sugerisao ministar Halebić, na ovo osjetljivo pitanje akademske zajednice prelaska na trezor i rokovi, zakonski rokovi za usvajanje budžeta koje ova Skupština poštuje već nekoliko zadnjih godina, bi trebali biti nastavljani bez obzira na političku situaciju. Dakle, predlažem taj zaključak broj 1. da se tačka 4 razmatra danas, i drugi zaključak je da se odredi datum, mi smo imali prijedlog četvrtak, Vlada predlaže utorak pa bi možda mala konsultacija šefova klubova i predstavnika klubova dobrodošla samo da se dogovorimo oko održavanja ove sjednice. Ako možete možda minut jednu pauzu da vidimo jel' to u utorak 20-tog. kako predlaže Vlada ili ako

jeste, ne treba evo, neka onda bude utorak 20. Hitna sjednica u kojoj ćemo se izjasniti a onda neka neko predloži ko će rukovoditi tom sjednicom. Hvala vam.”

Nakon obraćanja, predsjedateljica je predložila da se izjašnjavanje za po predloženim zaključcima zastupnika Elmedina Konakovića obavi nakon polaganja svečane zakletve kako bi zastupnici mogli pristupiti glasanju kao Skupština.

Uslijedila je realizacija prve tačke dnevnog reda.

AD – 1.

IZVJEŠTAJ IZBORNE KOMISIJE BIH O OVJERI MANDATA OSOBAMA KOJE SU DOBILE ZASTUPNIČKI MANDAT U SKUPŠTINI KANTONA SARAJEVO za 2018-2022

Predsjedateljica je naglasila sljedeće: „U skladu sa odredbama člana 8. Poslovnika Skupštine Kantona Sarajevo predočavam vam dostavljeni Izvještaj Izborne komisije BiH o ovjeri mandata osobama koje su dobile zastupnički mandat, a to su:

Hamed Aljović, Bešlija Vildana, Bišćević-Tokić Jasmina, Čampara Aljoša, Čelik Mirza, Delalić Sabahudin, Dević Mahir, Neira Dizdarević, Duraković Jasna, Efendić Semir, Edin Forto, Hadžibajrić Ibrahim, Handžić Vitor, Hasagić Amra, Hasanović Senad, Hodžić Admela, Jakupović Vedran, Junuzović-Kaljić Amra, Kerla Bibija, Konaković Elmedin, Kristić Danijela, Kurić Mirvad, Marić Zvonko, Marjanović Damir, Mekić Amel, Memić Arijana, Milavica Sead, Nikšić Damir, Okerić Elvedin, Pleho Haris, Poturak Dževad, Srna-Bajramović Segmedina, Stojanović Igor, Suljević Samir, Viteškić Smiljana.

Nadalje, predsjedateljica je napomenula da su novoizabrani zastupnici Smiljana Viteškić, Dževad Poturak i Sabahudin Delalić ranije pristupili u prostorije Skupštine i preuzeli uvjerenja o dodjeli mandata, te da će to ostali zastupnici obaviti u toku sjednice.

Predsjedateljica Babić je pozvala zastupnike da preuzmu uvjerenja te im je čestitala na mandatu u Skupštini.

Zastupnici koji su preuzeli svoja uvjerenja su sljedeći: Hamed Aljović, Bešlija Vildana, Bišćević-Tokić Jasmina, Čampara Aljoša, Čelik Mirza, Delalić Sabahudin, Dević Mahir, Neira Dizdarević, Duraković Jasna, Efendić Semir ništa, Edin Forto, Hadžibajrić Ibrahim (ništa), Handžić Vitor, Hasagić Amra, Hasanović Senad, Hodžić Admela, Jakupović Vedran, Junuzović-Kaljić Amra, Kerla Bibija, Konaković Elmedin, Kristić Danijela, Kurić Mirvad, Marić Zvonko, Marjanović Damir, Mekić Amel, Memić Arijana, Milavica Sead, Nikšić Damir, Okerić Elvedin, Pleho Haris, Poturak Dževad, Srna-Bajramović Segmedina, Stojanović Igor, Suljević Samir, Viteškić Smiljana.

Predsjedateljica je podsjetila zastupnike da ovjere njihova uvjerenja kako bi mogli pristupiti polaganju zakletve. Nadalje, predsjedateljica je informisala da nikakvo izjašnjenje nije stiglo oko preuzimanja mandata za gospodina Ibrahima Hadžibajrića i Semira Efendića.

Novoizabrani zastupnici su pristupili svečanoj izjavi:

«SVEČANO IZJAVLJUJEM DA ĆU POVJERENU DUŽNOST OBAVLJATI SAVJESNO, PRIDRŽAVATI SE USTAVA I ZAKONA BOSNE I HERCEGOVINE, FEDERACIJE BOSNE I HERCEGOVINE I KANTONA SARAJEVO, ZALAGATI SE ZA LJUDSKA PRAVA I SLOBODE I DA ĆU U SVIM PRILIKAMA ŠTITITI

INTERESE BOSNE I HERCEGOVINE, FEDERACIJE BOSNE I HERCEGOVINE I KANTONA SARAJEVO I RAVNOPRAVNOST NARODA I GRAĐANA KOJI U NJIMA ŽIVE».

Nakon polaganja svečane izjave, predsjedateljica je podsjetila na inicijativu zastupnika Elmedina Konakovića kojom je predložen zaključak „da se tačka 4. razmatra prije tačke 2 i 3.”

Skupština je pristupila glasanju i nakon glasanja konstatovano je da je Skupština jednoglasno (31 „za”) usvojila zaključak o izmjeni razmatranja tačaka dnevnog reda, tako da će se tačka 4 razmatrati odmah.

AD – 4

PRIJEDLOG ZA IZBOR KOMISIJE ZA IZBOR I IMENOVANJA I ADMINISTRATIVNA PITANJA SKUPŠTINE KANTONA SARAJEVO

Nadalje, predsjedateljica je informisala da će Komisiju za izbor i imenovanje i administrativna pitanja sačinjavati sljedeći zastupnici: **predsjedavajući Elmedin Konaković, zamjenica Segmedina Srna Bajramović, i članovi: Bibija Kerla, Vibor Handžić, Zvonko Marić, Amra Junuzović-Kaljić i Mirza Čelik.** Komisija za izbor i imenovanje i administrativna pitanja Skupštine Kantona Sarajevo osim nadležnosti iz člana 37. Poslovnika obavljat će poslove u vezi sa izborom delegata u Dom naroda FBiH. Zastupnici su pozvani na izjašnjavanje po prijedlogu sastava Komisije za izbor i imenovanje i administrativna pitanja. Nakon glasanja konstatovano je da je Skupština jednoglasno (33 „za”) donijela Odluku o imenovanju Komisije za izbor i imenovanje i administrativna pitanja.

U nastavku, predsjedateljica Ana Babić, je pozvala zastupnike da pristupe glasanju o predloženom zaključku koji se odnosio na termin održavanja hitne sjednice Skupštine. Zastupnici su pristupili glasanju i nakon glasanja konstatovano je da je Skupština jednoglasno (32 „za”) odredila 20.11.2018.godine kao termin održavanja 1. Hitne sjednice Skupštine Kantona Sarajevo.

Zastupnik Edin Forto je predložio da Skupština imenuje jednog zastupnika iz novog saziva koji će predsjedavati 1. Hitnom sjednicom Skupštine Kantona Sarajevo i predložio je da to bude zastupnik Elmedin Konaković.

Predsjedateljica je pozvala zastupnike da se izjasne o ovom prijedlogu i nakon glasanja konstatovano je da je Skupština većinom glasova (23 „za”, 4 „protiv” i 5 „suzdržano”) podržala prijedlog zastupnika Edina Forte.

Nadalje, predsjedateljica je prekinula rad na Konstituirajućoj sjednici Skupštine Kantona Sarajevo i poželjela je svim zastupnicima uspješan rad, konstruktivan rad i svaku sreću u narednom mandatu.

Zapisnik izradila:

Jasminka Deliahmetović

Po ovlaštenju

S E K R E T A R

SKUPŠTINE KANTONA SARAJEVO

Almira Kulovac Šetkić, dipl. pravnik

P R E D S J E D A T E L J I C A

SKUPŠTINE KANTONA SARAJEVO

Prof. Ana Babić

ZAPISNIK
SA PRVOG NASTAVKA KONSTITUIRAJUĆE SJEDNICE
SKUPŠTINE KANTONA SARAJEVO
ODRŽANOG 28.11.2018.GODINE SA POČETKOM U 10,00 SATI

Predsjedateljica Ana Babić (u nastavku predsjedateljica) je u skladu sa članom 7. stav 2. Poslovnika Skupštine Kantona Sarajevo otvorila nastavak Konstituirajuće sjednice Skupštine Kantona Sarajevo.

Usljedilo je intoniranje državne himne.

Predsjedateljica je pozdravila sve prisutne te informisala da su u sali prisutna 34 zastupnika, što je sasvim dovoljni za odlučivanje, te da je izostanak sa ove sjednice opravdala Bibija Kerla.

Sjednici su prisustvovali poslanici/zastupnici:

SDA - STRANKA DEMOKRATSKE AKCIJE

1. Hamed Aljović
2. Jasmina Bišćević-Tokić
3. Samra Ćosović-Hajdarević
4. Aljoša Čampara
5. Mirza Čelik
6. Sabahudin Delalić
7. Mahir Dević
8. Amra Hasagić
9. Admela Hodžić
10. Smiljana Viteškić

POLITIČKA ORGANIZACIJA "NAROD I PRAVDA"

1. Vedran Jakupović
2. Elmedin Konaković
3. Danijela Kristić
4. Amel Mekić
5. Arijana Memić
6. Elvedin Okerić

POLITIČKA ORGANIZACIJA GRAĐANA "NAŠA STRANKA"

1. Vildana Bešlija
2. Neira Dizdarević
3. Edin Forto
4. Vibor Handžić
5. Damir Marjanović

SOCIJALDEMOKRATSKA PARTIJA BOSNE I HERCEGOVINE

1. Damir Nikšić
2. Srna Bajramović Srna
3. Igor Stojanović
4. Samir Suljević

SAVEZ ZA BOLJU BUDUĆNOST BIH – FAHRUDIN RADONČIĆ

1. Jasna Duraković
2. Mirvad Kurić
3. Zvonko Marić
4. Dževad Poturak

DEMOKRATSKA FRONTA

1. Senad Hasanović
2. Sead Milavica

NEZAVISNA BOSANSKOHERCEGOVAČKA LISTA

1. Amra Junuzović-Kaljić
2. Fahrudin Pecikoza

BOSS-BOSANSKA STRANKA – MIRNES AJANOVIĆ

1. Haris Pleho

Predsjedateljica je podsjetila da su na prethodnom zasjedanju koje je održano 16.11.2018.godine obrađene dvije tačke Dnevnog reda i to: 1. i 4. te da su preostale sljedeće tačke:

2. Konstituisanje klubova naroda i kluba Ostalih u Skupštini Kantona Sarajevo;
3. Potvrđivanje prijedloga kandidata za izbor predsjedavajućeg i zamjenika predsjedavajućeg Skupštine Kantona Sarajevo;
5. Izbor delegata u Dom naroda Parlamenta FBiH.

Prije prelaska na realizaciju Dnevnog reda predsjedateljica je informisala da su dostavljene Odluke Centralne izborne komisije BiH:

- broj: 06-1-07-1-622/18 od 27.11.2018.godine, sljedećem kvalificiranom kandidatu sa liste političkog subjekta Stranke demokratske akcije i
- broj: 06-1-07-1-623/18 od 27.11.2018.godine, sljedećem kvalificiranom kandidatu sa liste političkog subjekta Nezavisna bosanskohercegovačka lista za Skupštinu Kantona Sarajevo,

čime im je dodijeljen mandat zastupnika u Skupštini Kantona Sarajevo.

Također, predsjedateljica je napomenula da su dosadašnji zastupnici Semir Efendić i Ibrahim Hadžibajrić odustali od mandata zastupnika u Skupštini Kantona Sarajevo, te stoga je njihovo mjesto popunjeno sljedećim kandidatom sa liste Stranke demokratske akcije i Nezavisne bosanskohercegovačke liste.

Predsjedateljica je pozvala uvažene Samru Ćosović-Hajdarević i Hajrudina Pecikozu da polože Svečanu izjavu.

SVEČANA IZJAVA

„SVEČANO IZJAVLJUJEM DA ĆU POVJERENU DUŽNOST OBAVLJATI SAVJESNO, PRIDRŽAVATI SE USTAVA I ZAKONA BOSNE I HERCEGOVINE, FEDERACIJE BOSNE I HERCEGOVINE I KANTONA SARAJEVO, ZALAGATI SE ZA LJUDSKA PRAVA I SLOBODE I DA ĆU U SVIM PRILIKAMA ŠTITITI INTERESE BOSNE I HERCEGOVINE, FEDERACIJE BOSNE I HERCEGOVINE I KANTONA SARAJEVO I RAVNOPRAVNOST NARODA I GRAĐANA KOJI U NJIMA ŽIVE“.

Čestitam vam.

Nakon svečane izjave uslijedila je realizacija 2. tačke dnevnog reda.

AD – 2.

KONSTITUISANJE KLUBOVA NARODA i KLUBA OSTALIH U SKUPŠTINI KANTONA SARAJEVO

U okviru ove tačke dnevnog reda predsjedateljica je upoznala zastupnike sa odredbama čl. 9. i 10. Poslovnika Skupštine Kantona Sarajevo kako slijedi:

„Nakon davanja i potpisivanja svečane izjave, u Skupštini se osnivaju klubovi zastupnika konstitutivnih naroda i Ostalih.

Pa su to Klubovi naroda su:

- Klub Bošnjaka;
- Klub Hrvata;
- Klub Srba i
- Klub Ostalih

Ako u Skupštini nema izabranih predstavnika nekog od konstitutivnih naroda ili Ostalih, klub tog naroda neće biti osnovan.

Svaki klub naroda i Ostalih bira predsjednika, a može izabrati i zamjenika predsjednika, koji rukovode klubom i usklađuju njegov rad.

Poslovníkom o radu klubova naroda i Ostalih svaki će klub urediti način svoga rada.

Svaki klub naroda i Ostalih bira i predlaže među svojim članovima jednog kandidata za mjesto predsjedavajućeg ili zamjenika predsjedavajućeg Skupštine.

Skupština glasanjem potvrđuje izbor kandidata, i to natpolovičnom većinom od ukupnog broja izabranih poslanika/zastupnika u Skupštini.

Četiri kandidata čiji je izbor potvrdila Skupština između sebe odlučuju ko će biti predsjedavajući Skupštine i odluku saopćavaju Skupštini.

Ako u Skupštini nema zastupnika, odnosno kluba nekog od konstitutivnih naroda i Ostalih, mjesto zamjenika predsjedavajućeg Skupštine iz tog konstitutivnog naroda i Ostalih ostaje upražnjeno.”

Predsjedateljica je predložila pauzu od 30 minuta te pozvala klubove naroda Bošnjaka, Hrvata, Srba i Ostalih da održe svoje konstituirajuće sjednice u prostorijama Skupštine.

NASTAVAK NAKON PAUZE OD 30 MINUTA

Predsjedateljica je informisala da je u pauzi Skupštine obavljeno je konstituisanje klubova naroda u Skupštini Kantona Sarajevo i time su se stekli uvjeti za nastavak rada Skupštine.

AD – 3.

POTVRĐIVANJE PRIJEDLOGA KANDIDATA ZA IZBOR PREDSJEDAVAJUĆEG I ZAMJENIKA PREDSJEDAVAJUĆEG SKUPŠTINE KANTONA SARAJEVO

Predsjedateljica je pozvala predstavnika Kluba Bošnjaka da predloži kandidata za izbor predsjedavajućeg ili zamjenika predsjedavajućeg Skupštine Kantona Sarajevo iz reda Bošnjačkog naroda:

Zastupnica Amra Junuzović - Kaljić ispred Kluba Bošnjaka se obratila Skupštini te informisala da je na sastanku Kluba Bošnjaka većinom glasova zastupnik Elmedin Konaković predložen za predsjedavajućeg ili zamjenika predsjedavajućeg Skupštine Kantona Sarajevo.

Predsjedateljica Babić je pozvala Skupštinu da se izjasni o prijedlogu Kluba Bošnjaka. S obzirom na nejasnoće oko principa glasanja sekretar po ovlaštenju Almira Kulovac Šetkić je dala sljedeće pojašnjenje: "Pošto znam da ima ovdje još nekih koji znaju jako dobro Poslovnik pa eto upratite me ako sam ja opet pogriješila a za ono žrijebanje zaista jesam, izvinjavam se što sam pogriješila. Skupština glasanjem potvrđuje izbor kandidata i to nadpolovičnom većinom od ukupnog broja poslanika. Dakle, do sada u svakom mandatu smo glasali pojedinačno dakle za svakog kandidata."

Zastupnik Aljoša Čampara se javio za riječ i istakao sljedeće: "Ja bih molio da se baziramo na član 9. Poslovnika kao i član 10. poslovnika. U članu 10 Skupština glasanjem potvrđuje izbor kandidata i to nadpolovičnom većinom od ukupnog broja izabranih poslanik/zastupnika u Skupštini. To je bio član 10. stav 2. Pa onda stav tri, četiri kandidata čiji je izbor potvrdila Skupština između sebe odlučuju ko će biti predsjedavajući skuštine i odluku saopćavaju Skupštini. Dakle, radi se o sljedećem, da bi smo mi ušli u ovu fazu, svaki klub naroda: Klub Bošnjaka, Klub Srba i Klub Hrvata i Klub Ostalih treba da da svoje prijedloge onako kako su oni to uradili i završili na svojim sjednicama a onda Skupština većinom glasova potvrđuje ta četiri kandidata ukoliko ih ima četiri, a mi sada svi znamo da imaju četiri kandidata iz sva tri naroda, iz reda Ostalih i onda oni između sebe biraju predsjedavajućeg. Mislim da je to vrlo tačno, precizno i decidno ovdje napisano u samom Poslovniku. Hvala."

Nadalje, zastupnik Mahir Dević se javio za riječ ističući sljedeće: „Naravno ja ću se nadovezati na ovo što je kolega Čampara kazao. Znači duh Poslovnika ovoga kaže kristalno jasno da klubovi naroda delegiraju svoje predstavnike u rukovodstvo. Prema tome, Bošnjaci ne mogu birati predstavnike Srbima, niti Hrvatima, kao što ni Hrvati ni Srbi ne mogu birati predstavnike Bošnjacima. Prema tome, iz tog razloga mi glasamo u paketu i na neki način kao najveći zakonodavni organ u kantonu legitimiramo predstavnike svih naroda. Ne možemo mi sada kao Skupština glasati protiv nekih Hrvata i Srba, evo prije svega mi, Bošnjaci. A onda dalje Poslovnik kaže da između njih četvoro oni se dogovore ko je predsjedavajući Skupštine Kantona Sarajevo. Tako da je tu situacija vrlo jasna. Dakle, mi glasamo u paketu po Poslovniku za sva četiri kandidata a oni između sebe onda izaberu predsjedavajućeg Skupštine."

Sekretar po ovlaštenju Almira Kulovac Šetkić je ponovo obratila Skupštini: "Ja zaista evo zamolila da mi se kaže gdje u Poslovniku piše da se glasa u paketu? Ja zaista to ovdje ne vidim. Znači član 10 kaže svaki klub naroda bira i predlaže među svojim članovima jednog kandidata za mjesto predsjedavajućeg. Onda kaže dalje, Skupština glasanjem potvrđuje izbor kandidata. Kandidata ili kandidata kako sad ko tumači. Onda kaže dalje tri kandidata čiji je izbor potvrdila Skupština, znači tri kandidata posebno svakog potvrđuje. Znači ta tri koja je potvrdila, odnosno kod mene je stari Poslovnik zato sam i onu izmjenu četiri kandidata koja je potvrdila Skupština. Znači ona ne mora da potvrdi četiri kandidata. Eto ja opet, Skupština je ta koja donosi Poslovnik i Skupština je ta koja Poslovnik može tumačiti. Kako god vi tumačite ovu odredbu to je vaše pravo."

Zastupnik Mahir Dević se ponovo uključio u diskusiju te istakao: „Hvala vam. U ovom se članu kristalno jasno kaže da Skupština potvrđuje izbor kandidata, množina, (nerazumljivo), a onda u narednom članu stavu odnosno jasno pojašnjava pa kaže, tri, odnosno sada pošto je došlo do izmjene Ustava to je četiri jer ne možemo mi sebe kao Skupština dovesti u situaciju da mi predstavnike nekog naroda ne uvažimo jer su klubovi naroda iz tog razloga formirani da

delegiraju to ljude u rukovodstvo bira predsjedavajućeg. Stvar je tu kristalno jasna, ne mogu ja biti protiv nekoga koga je klub Ostalih predložio u rukovodstvo. Kako da glasam ja protiv tog čovjeka jer ja sam Bošnjak naravno. Znači tu je stvar jasna, kandidata. I naredni stav kaže četiri odjednom da se glasa naravno.”

Nakon zastupnika Mahira Devića poslovničku interveniciju je imao zastupnik Aljoša Čampara: „Zahvaljujem predsjedavajuća. Dakle vrlo je potrebno u pravu koristiti logiku. Dakle to je ja mislim osnovni preduslov. Ovako kako sekretar predlaže da može, onda znači da bi Bošnjaci kao većina u ovoj Skupštini mogli određivati Klubu Srba, Klubu Hrvata, Klubu Ostalih ko će biti u rukovodstvu Skupštine. Pa upravo je Poslovnik i zakonodavac donio ovakav Poslovnik da se poštuje volja konstitutivnih naroda i Ostalih da ne bi došli u situaciju preglasavanja. Ili, mi smo danas na Klubu Bošnjaka izabrali gospodina Konakovića sa 15 glasova ZA, znači neko bi mogao da se napravi neka druga sada većina ovdje u Skupštini da to ponište i da ponište volju većinskog Kluba Bošnjaka u Skupštini kantona. Dakle, apsolutno ovdje u članu 10. stav 2. stoji Izbor kandidata i ovo je kristalno jasno. Naravno, možemo mi sada silovati demokratiju pa možda nekome nije drago što je neki kandidat izabran ali demokratska većina je takva kakava je. Kada imate po jednog ili kada imate isti broj kao što je u Klubu Srba onda se vrši žrijebanjem. Ja mislim da je ovdje problem u Klubu Srba zato što je žrijebanjem izvučena gđa Smiljanja Viteškić, pa sada neki pokušavaju da siluju Poslovnik na ovaj način. Ja opet plediram da se držimo stvarno procedure i Poslovnika i logike koja ovo nalaže. Ovdje je apsolutno sve kristalno jasno. Evo još jednom vam mogu ponoviti, dakle nemojte da dolazimo situaciju da jedni preglasavamo druge. Hvala.”

Zastupnik Elmedin Konaković se javio za riječ te zatražio pauzu od pet minuta za konsultacije po ovoj tački.

NASTAVAK NAKON PAUZE

Nakon pauze zastupnik Elmedin Konaković koji je predložio pauzu se obratio Skupštini navodeći sljedeće:

„Hvala vam poštovana predsjedavajuća. Obrazložit ću pauzu. Naravno, ona je bila u svrhu iznalaženja rješenja koje je više političko nego proceduralno. I ovako ću to obrazložiti: čitajući stenograme potpuno je u pravu sekretar Skupštine. Analizirajući to s pravnog osnova ukoliko ne piše u nekoj preambuli ili u nekoj rečenici množina, tretira se to kao jednina. Dakle, nemamo nikakav problem s pravnim osnovom da se ova stvar dešava onako kako evo stenogram sa prošle sjednice kaže, pristupite za izjašnjavanje predsjedavajućeg iz reda bošnjačkog naroda, kandidat Sabahudin Delalić. 21 ZA, 13 suzdržanih i 1 protiv, pa dalje Hrvata, pa dalje ostalih pa dalje Srba. Slaviša Šućur uzima riječ i odbija, dakle to je potpuno tačno sve što je rekla sekretar Almira Kulovac Šetkić. S druge strane, ovdje se problem pojavljuje u smislu nedorečenosti Poslovnika koji nas, koje je danas izabrao klub naroda favorizuju da ovu funkciju obavljamo naredne četiri godine bez obzira na eventualne demokratke procese pa čak i bez obzira da li mi taj posao radimo dobro ili ne. Dakle, s tim u vezi, nekako čini mi se da smo napravili načelni dogovor da danas glasamo u paketu, napravimo čak predsjedan u smislu slanja jasne političke poruke, a zadužimo hitno ili u što skorijem roku komisiju ili sekretara da se u izmjenama Poslovnika predvidi opcija, da ukoliko Elmedin Konaković iz reda bošnjačkog naroda ne bude imao podršku svog kluba u narednom periodu da recimo jedan dio članova tog kluba može procedurom zatražiti nejdugu promjenu. A da sada ovdje puno ne politiziramo, naravno da je to bitno s obzirom da je Skupština Kantona Sarajevo i njeno rukovodstvo odraz neke većine koja je podrška Vladi, a kako bi smo na taj način izbjegli eventualne konfrontacije. Tako da nakon ove Skupštine i konsultacija mi predlažemo da se danas glasa kao nikada do sada, u paketu, a da se

ne mora to biti zaključak, mi ćemo to uraditi na narednim sjednicima u izmjenama Poslovnika predvidi opcija promjene bilo kojeg člana, e vo recimo i u Klubu Hrvata sutra, ako Marjanović Kristić budu eventualno imali razlike u pogledu obavljanja tog posla, mogu, ili u Klubu Bošnjaka to mogu reći lično, na neki način pristupi izmjenama u rukovodstvu a time će sve nas, siguran sam, dodatno obavezati da svoj posao radimo još bolje. Zahvaljujem se.”

Zastupnik Igor Stojanović se javio za riječ ističući sljedeće: „Hvala predsjedavajuća. Pa ja se moram osvrnuti na diskusiju zastupnika Čampare vezano za Klub Srba. Kao što zastupnici znaju u Klubu Srba su dva zastupnika i žrijebom je odlučeno i ko je predsjednik Kluba i ko će biti prijedlog ispred Kluba Srba za rukovodstvo Skupštine kantona. Iako žrijeb ne odražava volju većine, u svakom slučaju, žrijeb je sreća. Mislim da njegovo insinuiranje da neko nije zadovoljan i da neko neće poštovati ono što piše u Poslovniku, nije dobro. Očigledno da zastupnik Čampara u odnosu na svoje iskustvo iz Federalne Vlade gdje je navikao da se na ovakav način prelamaju stvari, vjerovatno se boji da će to uraditi i ova skupštinska većina koja se već nazire. To se neće desiti. Mi ćemo glasati ovako kako je u Poslovniku propisano i kako su klubovi naroda donijeli odluke. Ali ono što je jako bitno za nastavak dalje rada Skupštine je to da u buduću ova Skupština tumači upravo ovo o čemu su diskutovali zastupnici Čampara i Dević a radi se o tome da li govorimo o kandidatima ili o jednom kandidatu s obzirom da stoji kandidata. I da se očigledno u diskusijama sada tumači u potpuno drugačije. Ova skupština mora se odlučiti s obzirom na sve druge izbore koji će se dešavati a nalazimo se na početku mandata. Hvala.”

Predsjedateljica je u nastavkupozvala predsjednika Kluba Hrvata da predloži kandidata za izbor predsjedavajućeg ili zamjenika predsjedavajućeg Skupštine Kantona Sarajevo iz reda Hrvatskog naroda.

Zastupnik Damir Marjanović je istakao sljedeće: „Kada već pričamo o sreći, ja moram da kažem da smo mi imali sreću, ustvari da sam ja osobno imao sreću kao član Kluba Hrvata i da je kolegica Danijela Kristić prihvatila moj prijedlog da bude predsjednica Kluba ali ujedno i da bude naša kandidatkinja za predsjedavajuću ili zamjenicu predsjedavajućeg Skupštine Kantona Sarajevo.”

Nadalje, Predsjedateljica je pozvala predsjednika Kluba Srba da predloži kandidata za izbor predsjedavajućeg ili zamjenika predsjedavajućeg Skupštine Kantona Sarajevo iz reda Srpskog naroda.

Zastupnica Smiljana Viteškić je informisala da je Klub Srba je žrijebanjem odlučio da predstavnik u Kolegiju Skupštine bude Smiljana Viteškić.

Zatim je pozvan predsjednik Kluba Ostalih da predloži kandidata za izbor predsjedavajućeg ili zamjenika predsjedavajućeg Skupštine Kantona Sarajevo iz reda Ostalih.

Zastupnica Segmedina Srna Bajramović je istakla sljedeće: „Pa evo u skladu sa članom 10. Poslovnika Skupštine Kantona Sarajevo Klub Ostalih u Skupštini Kantona Sarajevo bira i predlaže Vitor Handžića za mjesto predsjedavajućeg ili dopredsjedavajućeg Skupština Kantona Sarajevo.”

Predsjedateljica je pozvala zastupnike da se izjasne o predloženim kandidatima.

SKUPŠTINA JE VEĆINOM GLASOVA (22 „ZA”, 1 „PROTIV” I 8 „SUZDRŽANIH”) PRIHVATILA NOVOIZABRANE KANDIDATE ZA PREDSEDJEDAVAJUĆEG ILI

ZAMJENIKA PREDSEDavajućEG IZ REDA, BOŠNJAČKOG, HRVATSKOG, SRPSKOG NARODA I REDA OSTALIH NARODA.

Nadalje, predsjedateljica je podsjetila da u skladu sa čl. 10. stav 3. Poslovnika ove Skupštine četiri kandidata čiji je izbor potvrdila Skupština oni sada moraju između sebe da odluče ko će biti predsjedavajući Skupštine i odluku saopšte Skupštini, te u tom smislu je dala pauzu od 30 minuta.

Kratke komentare na glasanje o kandidatima su imali zastupnik Elmedin Konaković i zastupnik Mahir Dević.

NASTAVAK NAKON PAUZE

Predsjedateljica je pozvala potvrđene kandidate da Skupštini saopšte odluku ko će biti predsjedavajući, i ko će biti zamjenici, odnosno imenovanje radnog tijela Skupštine Kantona Sarajevo.

Zastupnik Elmedin Konaković se obratio Skupštini ističući sljedeće: "Dakle, na brzom kratkom Kolegiju, zato sam i uzeo riječ, izabran sam da predsjedavam Skupštinom Kantona Sarajevo, da dopredsjedavajući Vibor Handžić, Danijela Kristić, Smiljana Viteškić ovim redom budu dopredsjedavajući."

/ Novoizabrani predsjedavajući Skupštine Kantona Sarajevo Elmedin Konaković preuzima dalje vođenje Skupštine /

Predsjedavajući Elmedin Konaković (u daljem tekstu predsjedavajući) je istakao sljedeće: "Još jednom vam se srdačno zahvaljujem za povjerenje koje ste mi ukazali da obnašam funkciju predsjedavajućeg Skupštine Kantona Sarajevo. Zaista čvrsto obećavam da ćemo sve učiniti od sebe da radeći ovaj posao olakšamo život građanima Kantona Sarajevo i da naša funkcionalnost ne bude dovedena nikada u pitanje. Koristim priliku da se od srca zahvalim još jednom našoj predsjedavajućoj Ani Babić, našim dopredsjedavajućim Sabahudinu Delaliću koji je ovdje sa nama u sali i Seji Bukvi koji nije jer su u teškim političkim okolnostima svoj posao radili časno, pošteno, vrlo odgovorno i zaista su doprinosili, a to mogu reći u ime bivšeg premijera Vlade da se stvari u ovoj sali odvijaju normalnim tokovima. Također bih zamolio da ukoliko neko od kolega eventualno ima potrebu da se obrati Skupštini i javnosti, to ovom prilikom učini. Vibor Handžić."

Dopredsjedavajući Vibor Handžić se također obratio Skupštini: "Srdačno pozdravljam sve prisutne, članove Vlade, zastupnike, goste, gledaoce kraj malih ekrana. S obzirom da se u ovom mandatu prvi put javljam, želim svim izabranim zastupnicima zastupnicama da čestitam i zaželim uspješan mandat. Zahvaljujem se u svoje ime gospođi Segmedini Srni Bajramović i kolegi Edinu Forti koji su me ispred Kluba Ostalih predložili za ovu funkciju, kao i svim zastupnicima koji su me na ovu funkciju izabrali kao i na povjerenju koje su mi ukazali. I kratko dobio sam mandat ispred potpredsjedavajući da se u ime svojih kolegica zahvalim na njihovom izboru na ovu funkciju. Hvala."

Dopredsjedavajuća Smiljana Viteškić se obratila Skupštini: "Ja također pozdravljam sve pristune u sali i sve one koji prate naš rad putem medija. I ovom prilikom želim da se zahvalim svima koji su me predložili i podržali na ovom teškom putu dobijanja mandata u Skupštinu Kantona Sarajevo. Obećavam da ću kao i uvijek do sada biti na pravom putu za boljitak građana

Kantona Sarajevo. Danas se zahvaljujem svojoj sreći u činu žrijebanja za ovo mjesto i nadam se da će me pratiti u ovom poslu koji slijedi. Hvala vam lijepo.”

Predsjedavajući je na kraju informisao sljedeće:

„Zahvaljujem kolegice Viteškić i konstatujem da zbog okolnosti u kojima CIK nije donio jasne propise o izboru delegata za Dom naroda, ponovo konstiturajuću sjednicu moramo prekinuti. O njenom nastavku bit ćete obaviješteni kada se za to steknu uslovi, a redovne procedure očekujte vrlo brzo jer smo već dobili imena neka imena ko nije dostavio šefove klubova neka to učini što prije u službu jer će Kolegij početi sa funkcionisanjem vrlo brzo, kako bi smo dinamiku definisali, dinamiku oko praćenja procedura budžeta za narednu godinu. Zahvaljujem se još jednom i vidimo se vrlo brzo.”

Zapisnik izradila:

Jasminka Deliahmetović

Po ovlaštenju

S E K R E T A R

P R E D S J E D A V A J U Ć I

SKUPŠTINE KANTONA SARAJEVO

SKUPŠTINE KANTONA SARAJEVO

Almira Kulovac Šetkić, dipl. Pravnik

Elmedin Konaković

Sastavni dio ovog zapisnika su stenografske bilješke.

ZAPISNIK SA

**DRUGOG NASTAVKA KONSTITUIRAJUĆE SJEDNICE SKUPŠTINE KANTONA
SARAJEVO, ODRŽANE 31.01.2019.GODINE
SA POČETKOM RADA U 10,00 SATI**

Predsjedavajući Elmedin Konaković (u daljem tekstu predsjedavajući) je otvorio nastavak Konstituirajuće sjednice Skupštine Kantona Sarajevo.

Prema evidenciji Službe, brojevi se mijenjaju, 34 jel tako, prisustvuje 34 zastupnika što je dovoljan broj za punovažan rad i odlučivanje.

Predsjedavajući je informisao da nema najavljenih izostanaka te da očekuje da će Skupština biti u punom sastavu.

Sjednici su prisustvovali sljedeći zastupnici/zastupnice:

SDA - STRANKA DEMOKRATSKE AKCIJE

1. Hamed Aljović
2. Jasmina Bišćević-Tokić
3. Aljoša Čampara
4. Mirza Čelik
5. Sabahudin Delalić
6. Mahir Dević
7. Amra Hasagić
8. Admela Hodžić
9. Smiljana Viteškić
10. Samra Čosović-Hajdarević

POLITIČKA ORGANIZACIJA "NAROD I PRAVDA"

1. Vedran Jakupović
2. Elmedin Konaković
3. Danijela Kristić
4. Amel Mekić
5. Arijana Memić
6. Elvedin Okerić

POLITIČKA ORGANIZACIJA GRAĐANA "NAŠA STRANKA"

1. Vildana Bešlija
2. Neira Dizdarević
3. Elvis Vreto
4. Vibor Handžić
5. Damir Marjanović

SOCIJALDEMOKRATSKA PARTIJA BOSNE I HERCEGOVINE

1. Damir Nikšić
2. Srna Bajramović Srna
3. Igor Stojanović
4. Samir Suljević

SAVEZ ZA BOLJU BUDUĆNOST BIH – FAHRUDIN RADONČIĆ

1. Jasna Duraković
2. Bilsena Šahman
3. Zvonko Marić
4. Dževad Poturak

DEMOKRATSKA FRONTA

1. Senad Hasanović
2. Bibija Kerla
3. Sead Milavica

NEZAVISNA BOSANSKOHERCEGOVAČKA LISTA

1. Amra Junuzović-Kaljić
2. Fahrudin Pecikoza

BOSS-BOSANSKA STRANKA – MIRNES AJANOVIĆ

1. Haris Pleho

Predsjedavajući je podsjetio da su na zasjedanjima koja su održana 16.11.2018. i 28.11.2018. godine obrađene prve 4 tačke dnevnog reda Konstituirajuće sjednice, te da je preostala tačka 5. Izbor delegata u Dom naroda Parlamenta FBiH.

Predsjedavajući je predložio sljedeće: „Predlažem sljedeći scenarij, još je jednom potrebno da se Komisija za izbor i imenovanje sastane prije glasanja, pregleda sve glasačke listiće, utvrdi i evidentira tačan broj, da nakon toga izvršimo glasanje. Tako da odmah dajem pauzu od pola sata i pozivam Komisiju za izbor i imenovanja u salu 100. Zastupnike molim da budu blizu i strpljivi, neće ovo trajati predugo. Pa kad završimo nastavljamo. Pola sata, a ako bude ranije doći ćemo i ranije. Hvala.”

NASTAVAK NAKON PAUZE

AD – 5.

IZBOR DELEGATA U DOM NARODA PARLAMENTA FBiH

Predsjedavajući se obratio Skupštini ističući sljedeće:

„Cijenjene kolegice i kolege, nastavljamo sa radom Konstituirajuće sjednice. Nakon pauze, u pauzi je Komisija za izbor i imenovanja pripremila glasačke listiće po klubovima naroda. Zapečatila tačan broj plus rezerve. Kod Kluba Bošnjaka 29 plus 4 rezervna listića. Ukoliko neko pogriješi prije ubacivanja u kutiju ima pravo zatražiti drugi listić. Za Klub Srba smo dva plus jedan rezervni predvidjeli. Za Klub Ostalih dva plus jedan. Za klub Hrvati dva plus jedan. Dakle, glasat ćemo po klubovima. Glasanje je tajno. Komisija je dogovorila u prvom redu će sjediti i nadzirati proces glasanja. Mi ćemo, kolega Handžić, može i kolegica Danijela sići u prvi red da ne problematiziraju, nećemo gledati kako ko glasa, pa da se ipak vidi da nema nikakvih duplih dvostrukih listića. Jako je bitno i najvažnije da je nevažeći listić na kojem se glasa za kandidata. Dakle glasanje se vrši isključivo za listu u kvadratić pored liste, ako na izborima. A glasanje, zaokruživanje pojedinačno kandidata proizvodi nevažeći listić. Pa vas molim da na to posebno obratite pažnju. Ako se slažete da krenemo, krenut ćemo od Kluba Hrvata. Dakle otvaramo kovertu koju smo zapečatili potpisali sa tri listića. I pozivam kolegicu Danijelu Kristić dakle jedan listić kolegica Danijela Kristić da izvrši glasanje i ubaci, za govornicom se glasa kolegice Kristić. Molim kolegu Damira Marjanovića da pristupi glasanju. Jedan listić za Damira Marjanovića. Kolegica izvolite, za govornicom se glasa. Iskustvo nas je na to natjeralo. Dakle kvadratiće. Jedan listić viška ostavljamo ili ćemo ga odmah uništiti. Dakle listić nije bilo potrebe za ovim dodatnim. Dakle Klub Ostalih, zapečaćena koverta. Pozivam kolega Vitor Handžić. Glasački listić, izvolite kolega Handžiću. Ne za kandidata. Molim kolegicu Srna Bajramović Segmedinu da pristupi glasanju. Jedan listić izvolite. Još jedan listić viška. Ostali.

Sljedeći je Klub Srbi. Pozivam dopredsjedavajuću Smiljanu Viteškić. Izvolite vaš listić. Ovdje nije toliko bitno o kvadratićima. Zahvaljujem kolegice Viteškić. Kolega Igor Stojanović. Vaš listić. Zahvaljujem kolega Stojanović jedan listić viška.”

Nadalje, predsjedavajući je informisao da je ovaj proces završen te da Klub Bošnjaka ima 29 plus 4 rezervna. Uslijedilo je prozivanje zastupnika abecednim redom a nakon prozivanje Komisija za izbor i imenovanje je pozvana u salu 100 na prebrojavanje. Data je pauza u trajanju od 15 minuta.

NASTAVAK NAKON PAUZE

Predsjedavajući je nakon pauze informisao o izveštaju Komisije: „Poslije završenog glasanja Komisija je utvrdila da je glasalo 35 zastupnika a nevažećih glasačkih listića nije bilo. Za listu za izbor delegata u Dom naroda FBiH iz reda bošnjačkog naroda glasalo je 29 zastupnika i to: **za kandidatsku listu Naša stranka nije bilo glasova, kandidatska lista Jasmina Bišćević Tokić bez glasova, kandidatska lista Zvonko Marić 9 glasova, Kandidatska lista DF 3 glasa. Kandidatska lista SDA 9 glasova. Kandidatska lista Okerić Elvedin 8 glasova. Za listu za izbor delegata u Dom naroda FBiH iz reda srpskog naroda glasalo je 2 zastupnika, i to: kandidatska lista SDA 1 glas, kandidatska lista SDP 1 glas. Za listu za izbor delegata u Dom naroda FBiH iz reda hrvatskog naroda glasalo je dva zastupnika, i to: kandidatska lista Danijela Kristić 2 glasa. Za listu za izbor delegata u Dom naroda FBiH iz reda Ostalih glasalo je dva zastupnika i to: za kandidatsku listu SDP 1 glas, i za kandidatsku listu Naša stranka 1 glas.”**

Nadalje, predsjedavajući je informisao sljedeće: „Komisija je pripremila glasačke listiće u skladu sa Uputstvom u postupku provedbe posrednih izbora za organe vlasti u BiH obuhvaćenih Izbornim zakonom BiH. Redoslijed kandidatskih listi utvrđen je žrijebanjem o čemu je sačinjen zapisnik koji je sastavni dio ovog izvještaja.”

S obzirom da je iscrpljen dnevni red Konstituirajuće sjednice se zahvalio zastupnicima i zaključio rad na ovoj sjednici.

Zapisnik izradila:

Jasminka Deliahmetović

Po ovlaštenju

S E K R E T A R

P R E D S J E D A V A J U Ć I

SKUPŠTINE KANTONA SARAJEVO

SKUPŠTINE KANTONA SARAJEVO

Almira Kulovac Šetkić, dipl. Pravnik

Elmedin Konaković

Sastavni dio ovog zapisnika su stenografske bilješke.